



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cornelii Jansenii Iprensis Episcopi Augustinus Europaeus
Perperam Dictus**

Wavre, Philippus van

Antverpiae, 1709

Sect. IV. Vincentius Paleologus in hac causâ à Doctore Angelico
condemnatur.

urn:nbn:de:hbz:466:1-39351

DE PROPOSITIONE V. 483

ARGUMENTUM V.

Ex S. Thomæ 3. p. q. 21. art. 4. O.

Secundum voluntatem rationis Christus nihil aliud voluit, nisi quod scivit Deum velle. Et ideo omnis absoluta voluntas Christi, etiam humana, fuit impleta, quia fuit Deo conformis. Et per consequens omnis ejus oratio fuit exaudita. Nam ut præmisit, oratio est quodammodo interpretativa voluntatis humane. Atqui pro salute solorum fuit exaudita electorum; ergò.

R E S P O N S I O.

Voluntas Dei fuit, ut Christus fieret caput omnium. Ut pro omnibus, quorum caput fieret, se daret Redemptionem, & instituere remedia. Voluntas Dei fuit, ut etiam reprobis justis darentur auxilia salutaria; ergò voluntas Christi fuit in hunc finem pari & orare. Quia autem Deus voluit solos electos reipsa salutem consequi, voluit & sic Christus; & pro auxilio isto efficaciter salutem adferente mortuus est, & oravit. Et sic oratio Christi eatenus etiam exaudita est, neque in sola velleitate pietatis perstitit.

S E C T I O I V.

Vincentius Paleologus Iansenianam causam ad Doctoris Angelici Tribunal devocans, in morte Christi pro omnibus seu omnium salute ab eodem condemnatur.

Iansenius notionem vocis redemptionem dare præ cæteris sibi penetrare visus, disertè & expertè insufficientem habet redemptionem, quæ

H h 2

re-

484 LIBER SEXTUS

redemptis nullò modò prodest, nequè Salvatorem nisi eorum, qui re ipsa salvantur, agnoscit: *Numquam in scriptis suis fatetur (Aug.) ait, Christum pro omnibus, nullo exceptò, se dedisse redemptionem & crucifixum esse; sed tantummodò pro illis quibus mors ejus profuit. Et, Proderit igitur illi necessariò Christi sanguis & mors pro quo sanguinem illum suderit & mortuus fuerit.*

*Ianf. l. 3. de
Grat. c. 21.
pag. 382.*

pag. 387.

Quod si putes eum ratione pretii sufficientis posse dici Redemptorem illorum, quibus non profuit, hanc sufficientiam ipse Jansenius reprobam facit; *Quia alioquin etiam pro demonibus se dedisse redemptionem dici posset, quibus redimendis sinè dubio pretium sanguinis ejus est sufficiens.* Quod repetit, ubi rationem insufficientis redemptionis allegat, quam ipse Vincentius Paleologus de *Gratia Triumphante* suam facit: Nimirum voces illæ: *pro aliquo aliquid dare, aliquid persolvere, aliquid ad redemptionem offerre, præter sufficientiam simul indicant id quod datur, offertur, solvitur, ex serisò absolutòque dantis aut offerentis animò in captivi aut liberandi utilitatem debere influere. Et si offerens illà intentione careat, vel perperam, vel saltem valdè improprie dicitur pro ijs, quibus ut prodesset, fixà volitione non voluit, captivitatis pretium obtulisse.* Habemus mentem Vincentij, habemus mentem Jansenii à Vincentio explanatam, usque ad eò dilucidè, ut addat: *Hæc usquè ad eò perspicua & plana sunt; ut vel laniis, & Salsamentariis se deridiculum præberet, qui & tam certa & tam obvia negare præsumeret.*

pag. 385.

*pag. 34. &
35.*

Ergonè Laniis & Salsamentariis post-habes Scholasticorum Coryphæum, quem appellas, cujus Authoritate premere & opprimere moliebaris Doctorem Academicum, quem per summum ludibrium modò *Notarium*, modò *Scribulatorum*, vocitare consuesti? Si enim non nisi

vel

DE PROPOSITIONE V. 485

vel perperam, vel valdè improprie dicitur Christus pro iis quibus ut prodesset fixâ volitione non voluit, captiviratis pretium obtulisse; ergò perperam, & valdè improprie dixit Doctor Angelicus, quod & de Diabolo dicere poterat, ut ratiocinatur ipse Jansenius, in cap. 2. Epist. ad Hebræos hæc verba explanans: *Ut gratia Dei pro omnibus gustaret mortem pro omnibus, inquit, dupliciter potest intelligi, vel ut sit distributio accommodata, scilicet pro omnibus predestinatis. Pro istis enim tantum habet efficaciam. Vel absolutè pro omnibus quantum ad sufficientiam. Sufficiens enim quantum in se, omnibus est. S. Tim. 4. Qui est Salvator omnium maximè fidelium. Chryl. pro omnibus hominibus generaliter mortuus est: quia omnibus pretium sufficit. Etsi non omnes credunt, ipse tamen quod suum est implevit.*

Perperam & valdè improprie fatus est idem Doctor dicens: *Satisfaciendo pro totâ naturâ sufficienter meruit peccatorum remissionem.*

In 3. dist. 19.
q. 1. ad 1.
ad 4.

Perperam dixit: *Christus in quantum nobis influxit per meritum dicitur caput nostrum.*

Improprie, & perperam dixit: *Christus est caput omnium hominum, sed secundum diversos gradus... etiam eorum qui in potentia sunt sibi uniti, quæ nunquam reduceretur ad actum, sicut homines in hoc mundo viuentes qui non sunt predestinati.*

3. p. q. 8. a. 5.

Improprie, imò falsò dixit: *Certum est Christum venisse in hunc mundum... ad deletionem omnium peccatorum.. non quod omnia deleantur, quod est propter defectum hominum, qui Christo non inhaerent... sed quia ipse exhibuit quod sufficiens fuit ad omnium peccatorum deletionem.*

3. p. q. 1. a. 4.

Perperam asseruit: *Quod sicut Passio Christi prodest quidem omnibus, quantum ad sufficientiam & remissionem culpæ & adeptionem gratiæ & gloriæ, sed effectum non habet nisi in illis qui passioni Christi conjunguntur per fidem & Charitatem.*

q. 79. art. 7.
ad 2.

486 LIBER SEXTUS

q. 1. art. 1. *Perperam, & improprie locutus est dicens :
ad 4. Passio Christi præcessit ut causa quædam universalis
Remissionis peccatorum, sicut dictum est, necesse quod
singulis adhibeatur ad deletionem propriorum pecca-
torum; hoc autem fit per baptismum & pœnitentiam
& alia Sacramenta, quæ habent virtutem ex
Passione Christi.*

q. 61. art. 1. *Et iterum: Passio Christi est sufficiens causa
ad 3. humana salutis; nec propter hoc sequitur, quod
Sacramenta non sint necessaria ad humanam salu-
tem, quia operantur in virtute Passionis Christi, &
Passio Christi quodammodo applicatur hominibus per
Sacramenta. Quod repetit in quæst. disput. q.
20. de gratiâ Christi art. 7. ad 8. & q. 48. art. 6.
ad 2. Passio Christi per spiritalem contactum
efficaciam fortitur, scilicet per fidem & fidei Sa-
cramenta.*

Nunc Confidentissimè Jansenii ultor, tuique destructor & illius, Vincenti ex te sciscitor: sentisne perperam vel valdè improprie de *Redemptione sufficiens*, quæ usquè ad gratiæ seu unionis cum Christo capite actualis exortes homines pretenditur, ab Angelico Magistro tam multifariè locisque diversis dissertatum, vel non? Si primum, igitur nugæ enucleandas posteris transmisit, nullò verò seu proprie dictò sensu sufficientem Redemptionem asserendo continentissimè, & ab efficienti (quam solam dici Redemptionem Janseniana novitas clamitat) continuè dispescendo. Et, quid si eâ reverentiâ excepisset olim Notarius ille tuus Doctoris Angelici tunc placita tibi effata, dixissetque vel *improprie valdè*, vel *perperam assera* de voluntate Christi ejusquè interprete oratione pro salute solorum electorum? Quis tibi tum sensus? Quæ arma suppeterent pro tanti Doctoris contutandâ Authoritate? At meliora præfagio. Dicturus es igitur Doctorem Angelicum

DE PROPOSITIONE V. 487

licum propriâ Phrasi dixisse, Christum omnium Redemptorem asseruisse. Percunctor, quo jure, An ratione pretij de se sufficientis dumtaxat, an verò pretij pro omnibus à Christo seriò absolutoque dantis seu offerentis animo in realem utilitatem Redemptorum influentis? An ratione pretij ad certa media, per quæ passio applicata prodest, destinati? Si ratione pretij in utilitatem reipsa influentis, jam alios, quibus mors non applicatur, à Redemptione exemptos reddis, & à Doctore Angelico abis. Num ratione pretij secundum se sed non oblatis pro his, quibus mors nullò modò prodest? jam Jansenium tuum deseris, & juxtà illius consecutionem in Redemptionis beneficio parvulum v. g. non baptizandum Apostatis Angelis componis, reclamante Augustino, reclamante Apostolo, & universo repugnante Christi exercitu. Si ratione pretij ad media salutis directi, licet salus non subsequatur, jam verum invenies Redemptorem, non adstipulante Jansenio, sed laudante Augustino atque Doctore tuo Angelico, ad quem provocasti. Jansenio enim semper Redemptio spirat effectum. Augustino, & Doctore Angelico significat aliquandò salutis remedia, aliquandò salutiferam pretiosi Sanguinis communicationem, aliquandò intentionem absolutam salutis in seipsâ, aliquandò in causâ, per quam salus obtinèri possit, etiam ab illis qui reipsâ salutem non consequuntur. Quod & ipse Arnaldus respectu saltem aliquorum reproborum tam fixum tenuit, ut hæterodoxum esse dixerit, asserere Christum pro salute dumtaxat, seu solum Prædestinatorum esse mortuum.

